

Broj: 01-07-07/2-14-2-2006

Datum: 15.8. 2016. godine

Na osnovu člana 22. Zakona o unutrašnjim poslovima Federacije Bosne i Hercegovine („Službene novine Federacije BiH“, broj 81/14) i u skladu sa Zakonom o javnim nabavkama Bosne i Hercegovine („Službeni glasnik BiH“, broj 39/14), federalni ministar unutrašnjih poslova **d o n o s i**

ODLUKU

o dodjeli ugovora za nabavku lož ulja

I

Na osnovu čl. 64. stav (1) tačka b), 69. stav (1) tačka a), 70. i 89. Zakona o javnim nabavkama Bosne i Hercegovine („Službeni glasnik BiH“, broj 39/14) i na osnovu Odluke o pokretanju postupka javne nabavke lož ulja putem Konkurentskog zahtjeva za dostavu ponuda, broj: 01-06-06/3-14-2-1050 od 13. 7. 2016. godine, dodjeljuje se ugovor za nabavku lož ulja.

II

Ugovor za nabavku lož ulja dodjeljuje se ponuđaču „ALMY“, d.o.o. Zenica, koji je dostavio ponudu sa najnižom cijenom u iznosu od 11.583,00 KM, sa popustom i PDV-om, i koja ispunjava sve uslove predviđene Konkurentskim zahtjevom.

III

Obavezuje se Sektor za materijalno - finansijske poslove Federalnog ministarstva unutrašnjih poslova, da shodno Zakonu o javnim nabavkama BiH, pripremi sve potrebne akte za sklapanje ugovora sa ponuđačem „ALMY“, d.o.o. Zenica.

Obrazloženje

Komisija za provođenje postupaka nabavke svih roba, usluga i radova za 2016. godinu putem konkurentskog zahtjeva za potrebe Federalnog ministarstva unutrašnjih poslova - Federalnog ministarstva unutarnjih poslova, formirana Rješenjem federalnog ministra unutrašnjih poslova, broj: 01-07-07/2-14-2-2006 od 2. 11. 2015. godine, provela je postupak po Konkurentskom zahtjevu za dostavu ponuda za nabavku lož ulja, objavljenom na portalu Javnih nabavki, broj: 405-7-1-35-3-27/16 od 15. 7. 2016. godine. Tom prilikom izvršila je razmatranje, analizu i ocjenu tri blagovremeno prispjele ponude ponuđača: 1. „HIFA-PETROL“ d.o.o., Sarajevo, ukupna ponuđena cijena sa PDV-om i popustom iznosi 12.062,7 KM; 2. „BTG“ d.o.o., Tomislavgrad, ukupna ponuđena cijena sa PDV-om i popustom iznosi 12.753,00 KM; 3. „ALMY“, d.o.o. Zenica, ukupna ponuđena cijena sa PDV-om i popustom iznosi 11.583,00 KM.

Nakon ispitivanja, Komisija je utvrdila da su sve tri ponude prihvatljive i da sadrže sve tražene dokumente.

Komisija je uzela u obzir i tačku 5) Tenderske dokumentacije, koja se odnosi na primjenu preferencijalnog tretmana domaćeg (svi ponuđači su dostavili izjave da podliježu primjeni preferencijalnog tretmana).

S obzirom da je jedini kriterij za dodjelu ugovora najniža cijena, Komisija je dostavila Izveštaj s prijedlogom sklapanja Ugovora sa ponuđačem „ALMY“ d.o.o., Zenica, koji je dostavio prihvatljivu ponudu sa najnižom cijenom u iznosu od 11.583,00 KM.

Shodno navedenom a vođen Izveštajem o radu Komisije i preporukom o dodjeli Ugovora, Ugovorni organ je odlučio kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH, u pisanoj formi u roku od 5 (pet) dana od dana prijema iste. Žalba se podnosi putem Ugovornog organa u 3 (tri) primjerka.



Dostaviti:

1. Ponuđaču,
2. Sektoru za mat.-fin. poslove FMUP-a,
3. Kabinetu ministra - Odsjek za odnose sa javnošću
(za potrebe objave na internetskoj strani FMUP-a – Ugovornog organa),
4. U spis,
5. a/a.

DŽĆ/DŽĆ

FMUP-ODL